

SCRIPT OF MORNING GOJRI NEWS BULLETIN 23SEP 1015 HRS

ما رننگ گو جری نیوز بلیٹن مورخہ 23 ستمبر 2025

یوہ آکا شوانی جموں بے عبدالرحمان تیں خبر سُنو۔

CABINET MEET

جموں کشمیر غی قابینہ اج کئی تجاویز ور حتمی فیصلہ کرن واسطے ملاقات کرن آلی بے جن مانہ لیفٹیننٹ گورنر نانہ اسمبلی گو خزاں اجلاس بلان غی سفارش وی شامل بے آکاشوانی جموں گا ناما نگار غے مطابق وزیر اعلیٰ عمر عبداللہ غی سربراہی مانہ قابینہ اج ملاقات کرے گی تانجے اسمبلی گو خزاں اجلاس بلان واسطے لیفٹیننٹ گورنر نانہ تاریخ تجویز کی جاسکیں توقع بے جے اسمبلی اجلاس اکتوبر غا تیجہ یا چوتھا ہفتہ مانہ شروع وے گو یوہ اجلاس 20 اکتوبر تیں 27 اکتوبر غے بشکار کسے وی دن شروع ہوسکے جموں کشمیر تنظیم نو قانون 2019 غے تحت کوئی وی 2 اجلاسں غے بشکار 6 مہیناں تیں زیادہ گو وقفو نہیں ہونو چاہیے۔

CM DELEGATION

وزیر اعلیٰ عمر عبداللہ نے کل ایک انڈوسٹریلوی وفد سنگ ملاقات کی جس غی قیادت ساجد سید نے کی جہڑہ بھارت سی ایس آر نیٹ ورک تے سرکلر اقتصادی آلائنس آسٹر یلیا گا چنیرمین تے بانی ہیں ملاقات غے دوران کارپوریٹ سماجی ذمے داری یعنی کہ سی ایس آر منصوبیاں غی ایک رینج ور بات چیت کی هئی جن غو مقصد جموں کشمیر مانہ پائیداد ترقی نانہ فروغ دینو بے وفد نے کئی اقدامات تجویز کیا جن غو مقصد کمیونٹی نانہ باختیار بناتو تے ماحولیاتی پائیدادی نانہ فروغ دینو بے جن مانہ سمارٹ گرائیاں غو قیام مصنوعی زبانت یعنی اے آئی لیبر قائم کرنو کوڈہ تیں دولت پروگرام شروع کرنو پانی غی صفائی غا پروجیکٹ لانا کمیونٹی مراکز تعمیر کرنو تے سیلاب تیں متاثرہ لوکاں واسطے بحالی غی سہولت فراہم کرنو شامل بے وزیر اعلیٰ نے وفد غی شمولیتی ترقی غا عزم نانہ سراہو تے کھیڈاں ہنر مندی مانہ اضافہ تے سبز میدان پروجیکٹاں گا تعاون واسطے ترجیحی شعبہ قرار دتو۔

CM LEGISLATORS

وزیر اعلیٰ عمر عبداللہ نے کل بکھ بکھ ممبران اسمبلی سنگ ملاقات کی تانجے اُن گا حلقاں مانہ عوامی پہلانی بہتری تے ترقی غے متعلق اہم مسائل ور بات چیت کی جاسکے کنگن تیں میاں مہر علی ڈڈیل تیں تنویر صادق ذینہ پورہ تیں شوکت حسین گنتی گول تیں انجنیر رشید احمد گریز تیں نظیر احمد خان تے پونچھ تیں اعجاز احمد جان نے وزیر اعلیٰ سنگ الگ الگ ملاقات کی تے اپنا حلقاں غا ترقیاتی مسائل و ضروریات نانہ اُجاگر کیو وزیر اعلیٰ نے ملاقات کرن آلا قانون سازاں نانہ یقین دوايو جے حکومت عوامی اہمیت غا معاملات نانہ اولین ترجیح دے تے یوہ عہد کر رکھیو جے تمام اہم مسائل نانہ حل کرن واسطے پُر عزم بے تانجے جموں کشمیر مانہ منصفانہ ترقی تے فلاح و بہبود نانہ یقینی بنایو جاسکے۔

DAR VIRTUAL MEETING

محکمہ زرعی پیداوار غا وزیر جاوید احمد ڈار نے مجازی طور پر ایک میٹنگ مانہ شرکت کی جس غی صدارت مرکزی وزیر برائے ماہی پرور حیوانی پرورش وڈیری راجیو رجن سنگھ نے کی یاہ میٹنگ تمام ریاستاں تے مرکزی زیر انتظام علاقاں تیں تجاویز حاصل کرن گا پس منظر مانہ منعقد ہوئی تانجے ڈیری تے ضیوانی پرورش غا شعبہ نانہ مضبوط بنایو جاسکے کساناں غی پہلانی بہتری نانہ بہتر بنایو جاسکے تے مویشی پروری غی معشیت نانہ فروغ دتو جاسکے۔

SEVA PARV INFORMAL SEC

سیوا پرو پہل غے تحت جہڑی کہ ملک پھر مانہ منائی جارہی ہے اج ہم تم نانہ یوہ دساں جے مودی حکومت نے غیر منظم شعبہ نانہ فلاحی اقدامات سماجی تحفظ تے مالی شمولیت غے ذریعے کس طرح مضبوط کیو ہے پچھلے سال پی ایم سواندھی سکیم تیں مستفید ہون آلاں سنگ خطاب کرتا واں وزیر اعظم نریندر مودی نے انہاں نانہ خود مختار بنان بارے دسیو جی ڈی پی یعنی کہ قومی پیداوار مانہ تقریباً 45 فی صد حصو پان نال غیر منظم عبو بھارتی معشیت مانہ ایک اہم شراکت دار ریو ہے حکومت نے غیر منظم شعبہ مانہ کم کرن آلا نانہ باختیار بنان غی ذمے داری لی ہے وزیر اعظم رہڑی پھری اتما نربھر ندھی پی ایم سواندھی سکیم مانہ ریڑی آلا فروشاں واسطے ڈیجیٹل ادا نگیاں ور کیش بینک جیسی خصوصیات موجود ہیں۔

PROG ANN

علاقائی خبراں آلا یونٹ آکاشوانی جموں غی طرفوں ایک خصوصی مباحثہ پروگرام نشر کیو جارہیو ہے جس غو وقت 30 منٹاں گو وے گو تے موضوع ہے آتم نربھر بھارت یوہ پروگرام سیوا پرو 2025 غی تقریبات غا سلسلہ مانہ نشر کیو جارہیو ہے جہڑی کہ 15 ستمبر تیں منائی جارہی ہے یاہ خصوصی نشریات 24 ستمبر 2025 نانہ دوپہر ساڈھ 12 بجے نشر کیو جے گو اس خصوصی نشریہ مانہ مہارہ مہمان ارون منہاس ڈائریکٹر مہکمہ انڈسٹریز و کامرس جموں پنا خیالات تے ماہر آراء پروگرام گا موضوع ور پیش کرینگا پروگرام کی میزبانی ماری اینکر شروتی کھجوریہ تے ابھیلاشا شرما کرینگا آکاشوانی نیوز جموں سنگ یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سن سکیں گا۔

GST REFORMS

جی ایس ٹی اگلی جدید دور اصلاحات کل تیں نافض ہو گئی ہیں حکومت نے بکھ بکھ شعباں مانہ ٹیکس مانہ نمایاں کمی متعارف کروئی ہے کپڑہ صنعت نانہ سہولت فراہم کرن واسطے حکومت نے آدمی غی طرفوں بنایا گیا فائبر ور جی ایس ٹی 18 فی صد تیں کھٹ کر غے 5 فی صد کردتو ہے اسے طرح آدمی غی طرفوں بنایا گیا تماگہ ور ٹیکس غی شرح وے 12 فی صد کھٹ کر غے 5 فی صد کردتی گئی ہے اس فیصلہ سمنگ ملک غا کپڑہ سیکٹر نانہ برائے راست فائدو پجے گو اسے طرح گھریلو کھلوناں تے کھیڈاں گا سامان ور وی جی ایس ٹی 12 فی صد تیں کھٹ کر غے 5 فی صد کردتو ہے۔

FARMERS TOUR

ڈپٹی کمشنر کشتواڑ پنکج کمار شرما نے 42 مقامی کساناں غا ایک گروپ غو سات روزہ دورہ و تربیتی پروگرام واسطے ہماچل پردیش غا پلامیور روانہ کیا یہ دورہ مرکزی اسپانسر شدہ اسکیم اے ٹی ایم اے غے تحت اسپانسر کیا گیا ہے تے محکمہ زراعت نے اس کا انتظام کیا ہے۔ اس مانہ شامل کسان ضلع غا مختلف بلاکس تیں مُنتخب کیا گیا ہیں۔
